

Зулҳижжанинг ўн куни фазилати



05:11 / 14.08.2018 5008

Аллоҳ таоло Каломи мажидида: **“Тонгга қасам, ўн кечага қасам...”** деган (Фажр, 1-, 2).

Саҳиҳ қавлларга кўра, оятдаги ўн кечадан мурод зулҳижжа ойининг аввалги ўн кечасидир.

Оятда мазкур ойнинг ўн кечаси билан қасам ичилиши ўша кечаларнинг қадри баланд эканидан дарак беради.

Зулҳижжанинг аввалги ўн кунлиги фазилати ҳақида ҳадисларда ҳам алоҳида таъкидланган.

لَمَّا عَلِمَ أَيُّهَا النَّبِيُّ أَنَّ مَلَائِكَةَ اللَّهِ لَيَلَهُ لَيْلَةَ الْوَسْرِ لَأَقْبَسَ بَعْدَ نَبَأِ نَعِ
لَهُ لَأُقْسِرَ أَيُّهَا: وَأَلْقَى رُشْدًا لَمَّا أَيُّهَا نَبِيُّ عَمَّا أَلَهُ دَهْنًا مَهْلًا لَأَقْبَسَ بَعْدَ نَبَأِ نَعِ
سُفْنًا بَعْدَ جَرِّ الْإِلَهَ لَلِ لَبَسَ فِي دَاهِجٍ الْوَلَوِ: لَأَقْبَسَ لَلِ لَبَسَ فِي دَاهِجٍ الْوَلَوِ
يُذْمَرُ تَلَاوُهُ لَطْفٌ لَلِ الْوَادِ وَبَأُوِّي رَأْبُ الْهَوْرِ عِيْشَ بَلَدًا نَمَّ عَجْرِي مَلْفَ الْوَلَامِ وَ
دَمَحًا وَهَجَامًا نَبَأُوِّي مَرَادًا

Ибн Аббос розияллоҳу анҳудан ривоят қилинади: **“Расулulloҳ соллаллоҳу алайҳи ва саллам: “Аллоҳ учун ушбу ўн кунликда қилинадиган солиҳ амаллардан кўра севимлироқ амал йўқдир”, дедилар. Шунда: “Эй Расулulloҳ, Аллоҳ йўлида жидду жаҳд**

қилиш ҳамми?” деб сўралди. У зот: “Ҳа, Аллоҳ йўлида жидду жаҳд қилиш ҳам. Фақат бир киши ўз жони ва моли билан чиқиб, ундан бирон нарчасиз қайтиб келса, бундан мустасно”, дедилар” (Бухорий, Абу Довуд, Термизий, Доримий, Ибн Можа ва Аҳмад ривояти. Ривоят лафзи Абу Довудга тегишли).

Ҳадисдаги “ўн кунлик” зулҳижжа ойининг ўн кунлигидир. Бу нарса бошқа ривоятларда аниқ айтилган. Жумладан, Ибн Ҳиббон ва Абу Авона келтирган ривоятда “Аллоҳ даргоҳида зулҳижжанинг ўн кунидан афзал кунлар йўқ”, дейилган.

Бу ўн кунликда солиҳ амалларга тарғиб қилинишидан мақсад шуки, ундаги амаллар Аллоҳ учун энг севимли саналади. Бунинг ҳикмати ва сабаби ёлғиз Аллоҳгагина маълум. Бандалар буюрилган ишни адо қилишлари билан кўп мукофот ва савобларга эришадилар. Биз Зулҳижжанинг аввалги ўн кунлиги афзал кўрилишидан кўзланган ҳикмат борасида шуни айтамикки, ўша кунларда ҳожилар ҳаж амалларини бажараётган бўладилар, кунларнинг энг улуғи Арафа ва Қурбон ҳайити ҳам айнан шу ўн кунлик ичидадир. Шу сабаб бу вақтда қилинган амаллар Аллоҳ учун энг маҳбуб саналади.

مَّا يَأْتِي الضُّفَاءَ: لَأَقَمَ لَسَوَ وَهِيَ لَعُ هَلَلَا لِي لَصَدَّ هَلَلَا لُؤَسَرَّ نَأْ هِنَعُ هَلَلَا لِي ضَرَّ رِبَاجٍ نَعُو
حُحَّ حَصُّ هَدَنَسُو رَأَزَبَلَا هَأَوْرَ هَجَّ حَلَا لِي دَرَّ شَعَّ يَنْعِي رُشَعَلَا لِي نَدَلَا

Жобир розияллоху анҳудан ривоят қилинишича, Расулуллоҳ соллаллоху алайҳи ва саллам шундай деганлар: “**Дунё кунларининг энг афзали ўн кунлик** (яъни зулҳижжанинг ўн куни)**дир**” (Баззор ривояти. Ривоят санади саҳиҳ).

Уламолар зулҳижжанинг ўн кунлиги афзалми ёки рамазоннинг охирги ўн кунлиги афзалми, деган масалада ихтилоф қилишган. Аллома Ибн Қаййим бу борада қуйидаги фикрни билдирган: “Рамазоннинг охирги ўнлигининг тунлари зулҳижжанинг аввалги ўн кечасидан афзалдир. Зулҳижжанинг аввалги ўн куни рамазоннинг охирги ўн кунидан афзалдир. Арафа ва қурбонлик қилинадиган кун сабабидан зулҳижжанинг аввалги ўн куни афзал. Лайлатул қадр сабабидан рамазоннинг охирги ўн туни афзал саналади”.

رُوِّتَ لِأَبِي سَ: مَمَّ لَسَوَ وَهِيَ لَعُ هَلَلَا لِي لَصَدَّ هَلَلَا لُؤَسَرَّ لَأَقَمَ لِي رُدُّ حَلَلَا لِي دِي عَسَ يَبَّ أَعُو
هُدَنَسُو رَكَاسَعُ نَبَّ أَوْرَأَزَبَلَا أَوْ قَهِيَ بَلَا هَأَوْرَ هَجَّ حَلَا لِي وَدَّةَ مُرَّحُ أُمَّ طَعَّ أَوْ نَأَضَمَّ رُشَعَش
فِي عَضَّ

Абу Саид Худрий розияллоху анху Расулуллоҳ соллаллоху алайҳи ва салламдан ривоят қилади: **“Ойларнинг саййиди - рамазон, уларнинг ҳурмати энг баланди - зулҳижжадир”** (Байҳақий, Баззор ва Ибн Асокир ривояти. Ривоят санади заиф).

Уламолар рамазон ойи зулҳижжадан афзаллигини айтишган. Аслида ой ёки амаллар бир-биридан устун бўлади. Масалан, намоз рўзадан афзал. Бироқ бир кун рўза тутиш икки ракат намоздан яхшироқ.

Доримий ва Байҳақий саҳиҳ санад билан келтирган ривоятда айтилишича, Саид ибн Жубайр зулҳижжанинг ўн кунида ибодатга жидду жаҳд билан киришар, бошқа вақтда қилмаган саъй-ҳаракатини айнан шу ўн кунликда қиларди.

الْوَهْلُ لِلذَّنْعِ مَطْعِ الْمَائِيَّ نَمَامَ لِقَاقِ مَلَسَوْهِ وَيَلْعُ لَلِصَّيْبِ نَلَا نَعَرَمُ عَنَّا نَعَو
لِيْلَهْتَلَا نَمَّ نَهِي فَاوْرَثَكُ أَفْرَشَعْلَامَائِيْلَا هَدَهْ نَمَّ نَهِي فَلَ مَعْلَا نَمَّ نَهِي لِبَحْ أ
هُدَنْ سَوَّ بَيْشِي بَأْنَبَاوِي نَارَبَّ طَلَاوِي قَوْهِي بَلَاوَاوْمَحْ أَوْرَدِي مَحْتَلَاوَرِي بَكْتَلَاو
حِي حَصْ

Ибн Умар розияллоху анху Набий соллаллоху алайҳи ва салламдан ривоят қилади: **“Аллоҳ наздида ушбу ўн кунликда қилинадиган солиҳ амаллардан кўра улугроқ ва севимлироқ амал йўқдир. Бас, ушбу (кун)ларда таҳлил, такбир ва таҳмидни кўпайтиринглар!”** (Аҳмад, Байҳақий, Табароний ва Ибн Абу Шайба ривояти. Ривоят санади саҳиҳ).

Ушбу ривоятга кўра, зулҳижжанинг аввалги ўн кунлигида “лаа илааҳа иллаллоҳ”, “аллоҳу акбар” ва “ал-ҳамду лиллааҳ” калималарини кўп айтиш яхши экан.

Аввал айтиб ўтилганидек, зулҳижжанинг ўн кунида қилинадиган амаллар Аллоҳ учун энг маҳбуб саналади. Шу билан бирга мазкур вақтда Аллоҳ учун севимли бўлган зикр амалга оширилса, нур устига нур бўлади. Фазилатли амал фазилатли вақтда бажарилиши қилинаётган иш учун кўпроқ ажр олиниши ва ундан кўзланган мақсад рўёбга чиқишига сабаб бўлади.

Маълумки, солиҳ амаллар тури кўп. Уларни санаш учун анча саҳифани қоралашга тўғри келади. Ўша амаллар ичида энг афзалларидан бири бу - рўзадир. Зулҳижжанинг аввалги ўн кунлигида рўза тутиш ҳақида ривоятлар бор. Қуйида улардан баъзиларини ўрганамиз.

مَلَسَ وَهِيَ لَعْلَعْلَالٌ لَصَّ لَهَا لُؤْسٌ رُتِيٌّ أَرَامٌ: تَلَاقُ أَهْنَعُ هَلَلًا يَضَرَّ شَأْنًا عَن
عَمَّيْزُحْ نُبَأُ دَمْحًا وَدَوَادُ وَبَأُ مَلْسُمُ هَوَارٍ. طَقِرْ رَشْعَلًا يَفْ أَمَّيْزُحْ

Оиша розияллоҳу анҳодан ривоят қилинади: **“Мен Расулulloҳ соллаллоҳу алайҳи ва саллам ўн кунликда бирон марта рўза тутганларини кўрмаганман”** (Муслим, Абу Довуд, Аҳмад ва Ибн Хузайма ривояти).

Расулulloҳ соллаллоҳу алайҳи ва саллам зуҳлҳижжанинг аввалги тўққиз кунида рўза тутганлари ҳақида бошқа ривоятлар бор. Шу сабаб уламолар Оиша розияллоҳу анҳонинг бу ривоятини бир неча хил таъвил қилишган. Жумладан:

У зот касаллик ёки сафар туфайли ушбу ўн кунлик рўзасини тутмаган бўлишлари мумкин;

Оиша розияллоҳу анҳо Набий соллаллоҳу алайҳи ва саллам ушбу кунларда рўза тутганларини кўрмаган ёки эътибор бермаган бўлиши эҳтимолдан холи эмас. Яна Аллоҳ билгувчироқдир!

Мазкур ривоятнинг зоҳирига назар ташласак, зулҳижжанинг аввалги ўн кунида, тўғрироғи, тўққиз кунида рўза тутиш макруҳлиги келиб чиқади. Аммо уламолар бошқа ривоятларни ҳам ўрганиб чиққач, бу кунларда рўза тутиш мустаҳаблиги таъкидлашган.

Биз бу ерда Оиша розияллоҳу анҳонинг ривоятини маълумот учун, қилинаётган иш холис ва оз бўлса ҳам мукамал бўлиши учун келтирдик. Энди бошқа ривоятларни ўрганамиз.

مَلَسَ وَهِيَ لَعْلَعْلَالٌ لَصَّ لَهَا لُؤْسٌ رُتِيٌّ أَرَامٌ: تَلَاقُ أَهْنَعُ هَلَلًا يَضَرَّ شَأْنًا عَن
عَمَّيْزُحْ نُبَأُ دَمْحًا وَدَوَادُ وَبَأُ مَلْسُمُ هَوَارٍ. طَقِرْ رَشْعَلًا يَفْ أَمَّيْزُحْ
حَحْ صُ هَدَنَسٌ وَيَقِيْهِ بَلْبَلًا وَدَمْحًا وَيُئِئَسُّ نَلَاوُ

Ҳунайда ибн Холид хотинидан, у Набий соллаллоҳу алайҳи ва саллам завжаларининг баъзисидан ривоят қилади: **“Расулulloҳ соллаллоҳу алайҳи ва саллам зулҳижжанинг тўққиз куни, Ашуро куни ва ҳар ойда (душанба ва пайшанбадан бошлаб) уч кун рўза тутардилар”** (Абу Довуд, Насоий, Аҳмад ва Байҳақий ривояти. Ривоят санади саҳиҳ).

Ушбу ривоятда айтилишича, Набий соллаллоҳу алайҳи ва саллам зулҳижжанинг аввалги тўққиз кунида, Ашуро куни ва ҳар ойда уч кун

рўза тутардилар.

Зулҳижжанинг ўнинчи куни Қурбон ҳайити бўлиб, бу кунда рўза тутиш мумкин эмас. Шу сабаб рўза ҳақида гап кетганда “Зулҳижжанинг тўққиз кунида рўза тутиш” ибораси ишлатилади.

Ашуро куни муҳаррам ойининг ўнинчи куни. Расулуллоҳ соллаллоҳу алайҳи ва саллам мазкур ойнинг ўнинчи куни рўза тутиб юрганлар. Вафотларидан бир йил олдин яҳудийлар ҳам шу куни рўза тутишларидан хабар топгач, келаси йили тўққизинчи куни ҳам рўза тутишни ният қилганлар. Аммо бу нарса у зотга насиб қилмаган. Шундай бўлса-да, Расулуллоҳ соллаллоҳу алайҳи ва саллам сўзлари ва ниятлари шаръий қоида бўлиб қолиб, Ашуро кунининг ёлғиз ўзида эмас, балки тўққизинчи ёки ўн биринчи кунини қўшиб рўза тутиш мақсадга мувофиқдир.

Қуйидаги ривоятда зулҳижжанинг ўн кунлигида тутиладиган рўзанинг фазилатидан хабар берилади.

نَهْلَهُ لَلْإِبْرَاهِيمِ أَيُّهَا النَّبِيُّ لَعَلَّكُمْ تَتَّقُونَ وَتَقِيهِمْ لَعَلَّكُمْ تُرْحَمُونَ أُولَٰئِكَ مَثَلُوا لَكُمْ لِكَيْ تَتَّقُونَ وَاللَّهُ عَلِيمٌ غَلِيبٌ
مُّمَّا يَتْلُونَ كِتَابَ اللَّهِ الَّذِي كُنْتُمْ تُعَلِّمُونَ وَلَقَدْ عَلَّمْتُمُ الْقُرْآنَ لِتَتَّقُوا وَاللَّهُ يَبْشُرُ الْمُتَّقِينَ
بِالْحُسْنَىٰ وَأُولَٰئِكَ هُمُ الْمُفْلِحُونَ وَتَقِيهِمْ لَعَلَّكُمْ تُرْحَمُونَ أُولَٰئِكَ مَثَلُوا لَكُمْ لِكَيْ تَتَّقُونَ وَاللَّهُ عَلِيمٌ غَلِيبٌ
فِي عَاصٍ

Абу Ҳурайра розияллоҳу анҳу Расулуллоҳ соллаллоҳу алайҳи ва салламдан ривоят қилади: **“Аллоҳ учун ибодат қилинишга зулҳижжанинг ўн кунидан севимлироқ кунлар йўқдир. Унинг ҳар кунлик рўзаси бир йиллик рўзага, ҳар тундаги ибодат Лайлатул қадрдаги ибодатга тенгдир”** (Термизий, Ибн Можа ва Байҳақий ривояти. Ривоят санади заиф).

Демак, қайси банда зулҳижжанинг аввалги тўққиз кунида ихлос билан рўза тутса, тўққиз йиллик рўзанинг савобига эришади. Зулҳижжанинг аввалги ўн кечасини бедор ўтказган, таҳажжуд намози ўқиган, зикр, тиловат ва шу каби ибодатлар билан машғул бўлган банда ўн марта Лайлатул қадр кечасида қоим бўлганлик савобини қўлга киритади. Лайлатул қадр кечаси қоим бўлиш минг ой, тахминан, саксон икки йилдан кўпроқ ибодат савобига тенг экани кўпчилигимизга маълум.

Демак, зулҳижжанинг бу фазилатли кун ва тунларини ғанимат билиб, улардан оқилона фойдалансак, охиратимиз учун чексиз ва қимматли заҳира тўплаб, қиёмат куни мезонимиз оғир бўлишига сабаб амалларни бажарган бўламиз.